

# «ՉԵՌՆՈՒՄԻ ԿՏՈՄԱՅԻՆ ԷԼԵԿՏՐԱԿԱՅԱՆԻ ՎԹԱՐԻ ԵՎ ԱՅԼ ՄԻՋՈՒԿԱՅԻՆ ԱՂԵՏՆԵՐԻ ՀԵՏԵՎԱՆՔՆԵՐԻՑ ՏՈՒԺԱԾ ԶԱՂԱՔԱՑԻՆԵՐԻ ՍՈՑԻԱԼԱԿԱՆ ԴԱՇՏՊԱՆՈՒԹՅԱՆ ՄԱՍԻՆ» ՀՀ ՕՐԵՆՔԻ ՆԱԽԱԳԻԾ

ՆԱԽԱԳԻԾ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ

ՉԵՌՆՈՒՄԻ ԿՏՈՄԱՅԻՆ ԷԼԵԿՏՐԱԿԱՅԱՆԻ ՎԹԱՐԻ ԵՎ ԱՅԼ ՄԻՋՈՒԿԱՅԻՆ  
ԱՂԵՏՆԵՐԻ ՀԵՏԵՎԱՆՔՆԵՐԻՑ ՏՈՒԺԱԾ ԶԱՂԱՔԱՑԻՆԵՐԻ ՍՈՑԻԱԼԱԿԱՆ  
ԴԱՇՏՊԱՆՈՒԹՅԱՆ ՄԱՍԻՆ

### ԳԼՈՒԽ 1

#### ԸՆԴՀԱՆՈՒՐ ԴՐՈՒՅԹՆԵՐ

##### Հոդված 1. Օրենքի կարգավորման առարկան և գործողության ոլորտը

1. Սույն օրենքի կարգավորման առարկան Չեռնոբիլի ատոմային էլեկտրակայանի (այսուհետ՝ ՉԱԷԿ) վթարի և այլ միջուկային աղետների հետևանքներից տուժած Հայաստանի Հանրապետության քաղաքացիների սոցիալական պաշտպանության հետ կապված հարաբերություններն են:
2. Սույն օրենքով նախատեսվող արտոնություններն և փոխհատուցումները տարածվում են սույն օրենքի 3-րդ հոդվածում նշված քաղաքացիների խմբերի վրա:

##### Հոդված 2. ՉԱԷԿ-ի վթարից, ինչպես նաև ՉԱԷԿ-ի և այլ միջուկային աղետների հետևանքների վերացման աշխատանքներին մասնակցելու արդյունքում տուժած քաղաքացիների սոցիալական պաշտպանության վերաբերյալ օրենսդրությունը

ՉԱԷԿ-ի վթարի, ինչպես նաև ՉԱԷԿ-ի և այլ միջուկային աղետների հետևանքների վերացման աշխատանքներին մասնակցելու արդյունքում տուժած քաղաքացիների սոցիալական պաշտպանության վերաբերյալ օրենսդրությունը բաղկացած է սույն օրենքից, Հայաստանի Հանրապետության միջազգային պայմանագրերից և սույն օրենքից բխող ենթաօրենսդրական ակտերից:

##### Հոդված 3. ՉԱԷԿ-ի վթարից, ինչպես նաև ՉԱԷԿ-ի և այլ միջուկային աղետների հետևանքների վերացման աշխատանքներին մասնակցելու արդյունքում տուժած քաղաքացիների խմբերը

1. Սույն օրենքի դրույթները տարածվում են ՉԱԷԿ-ի վթարի և այլ միջուկային աղետների հետևանքներից տուժած քաղաքացիների հետևյալ խմբերի վրա, ովքեր 1986-1987 թվականներին, այնուհետև՝ 1988-1989 թվականներին՝

1) ԽՍՀՄ-ի զինված ուժերում պարտադիր զինվորական ծառայության ընթացքում մասնակցել են ՉԱԷԿ-ի վթարի վերացման աշխատանքներին.

2) կանչվել են հատուկ վարժական հավաքների (զինապարտներ և ներքին գործերի մարմինների աշխատողներ)՝ մասնակցելով ՉԱԷԿ-ի վթարի վերացման աշխատանքներին.

3) մեկնել են աշխատանքային պայմանագրով՝ մասնակցելով ՉԱԷԿ-ի վթարի վերացման աշխատանքներին.

4) մեկնել են կամավորական հիմունքներով՝ մասնակցելու ՉԱԷԿ-ի վթարի վերացման աշխատանքներին:

5) հիվանդացել են ճառագայթային հիվանդությամբ՝ կապված ՉԱԷԿ-ի վթարի, ինչպես նաև վթարի հետևանքների վերացման աշխատանքներին մասնակցելու հետ, այն քաղաքացիները, որոնք ճանաչվել են հաշմանդամություն ունեցող անձինք, և նրանց հաշմանդամությունը կապվել է անմիջականորեն ՉԱԷԿ-ի վթարի ազդեցության հետ:

2. Սույն օրենքի իմաստով այլ միջուկային աղետների հետևանքների վերացման աշխատանքներին մասնակցելու արդյունքում տուժած անձինք են համարվում նաև՝

1) անձինք (ժամանակավորապես ուղարկված կամ գործուղված), այդ թվում՝ զինծառայողներ և զինապարտներ՝ զորակոչված հատուկ վարժական հավաքների, ինչպես նաև ոստիկանության, պետանվտանգության անձնակազմերի աշխատակիցներ, որոնք 1957-1958 և 1959-1961 թվականներին անմիջապես մասնակցություն են ունեցել 1957թվականին «Մայակ» արտադրական միավորման վթարի հետևանքների վերացման աշխատանքներին.

2) անձինք, ովքեր մասնակցել կամ տուժել են քաղաքացիական և ռազմական նշանակության այլ միջուկային օբյեկտների, այդ թվում՝ ատոմային էլեկտրակայանների վթարներից կամ դրանց հետևանքների վերացման արդյունքում ճառագայթահարվել են:

## ԳԼՈՒԽ 2

**ՉԱԷԿ-Ի ՎԹԱՐԻՑ, ԻՆՉՊԵՍ ԼԱԵՎ ՉԱԷԿ-Ի ԵՎ ԱՅՆ ՄԻՋՈՒԿԱՅԻՆ ԱՐԵՏՆԵՐԻ ՀԵՏԵՎԱՆՔՆԵՐԻ ՎԵՐԱՑՄԱՆ ԱՇԽԱՏԱՆՔՆԵՐԻՆ ՄԱՍՆԱԿՑԵԼՈՒ ԱՐԴՅՈՒՆՔՈՒՄ ՏՈՒԺԱԾ ՔԱՂԱՔԱՑԻՆԵՐԻ ԱՌՈՂՋՈՒԹՅԱՆ ՊԱՀՂԱՆՄԱՆ ԵՎ ԱՅՆ ՍՈՑԻԱԼԱԿԱՆ ԵՐԱՇԽԻՔՆԵՐԸ**

**Հոդված 4. ՉԱԷԿ-ի վթարից, ինչպես նաև այլ միջուկային աղետների հետևանքների վերացման աշխատանքներին մասնակցելու արդյունքում**

## **տուժած քաղաքացիների բժշկական օգնության և ճառագայթային ազդեցությունից պաշտպանվածության իրավունքը**

Սույն օրենքի 3-րդ հոդվածում նշված քաղաքացիներն իրավունք ունեն բժշկական օգնության և դիսպանսերիզացման առողջապահական կազմակերպություններում: Այդ անձանց մասնագիտացված բուժօգնությունը ապահովում, նրանց հիվանդության և հաշմանդամության պատճառական կապը որոշվում է Հայաստանի Հանրապետության պաշտպանության նախարարության կենտրոնական ռազմաբժշկական հանձնաժողովի և ՀՀ առողջապահության նախարարության ճառագայթային բժշկության և այրվածքների գիտական կենտրոնի կողմից տրված եզրակացությունների հիման վրա՝ Հայաստանի Հանրապետության կառավարության սահմանած կարգով:

### **Հոդված 5. ՉԱԷԿ-ի վթարի, ինչպես նաև ՉԱԷԿ-ի և այլ միջուկային աղետների հետևանքների վերացման աշխատանքներին մասնակցելու արդյունքում տուժած քաղաքացիների արտոնությունները**

1. Սույն օրենքի 3-րդ հոդվածում նշված անձինք իրավունք ունեն՝

- 1) ամենամյա անվճար բժշկական հետազոտման՝ համապատասխան մասնագետների ներգրավմամբ.
- 2) պետական պատվերի շրջանակում անվճար բուժօգնություն և սպասարկում ստանալու.
- 3) բժշկի հատուկ դեղատոմսով՝ արժեքի 50% զեղչով դեղերի ձեռքբերման.
- 4) անվճար առողջարանային ուղեգրերով ապահովման՝ ՀՀ կառավարության սահմանված կարգով.
- 5) Հայաստանի Հանրապետության տարածքում անվճար օգտվել պետական ընդհանուր օգտագործման ներքաղաքային ուղևորատար տրանսպորտից (բացառությամբ՝ միկրոավտոբուսների և մարդատար տաքսի ավտոմեքենաների), ինչպես նաև Երևանի մետրոպոլիտենից.
- 6) Սույն օրենքի 3-րդ հոդվածում նշված այն անձինք, ովքեր չեն օգտվում Հայաստանի Հանրապետության կառավարության 2011 թվականի մայիսի 5-ի N 668-Ն որոշմամբ սահմանված ամենամյա պարգևավճար ստանալու իրավունքից, ստանում են ամենամյա դրամական օգնություն, որի նշանակման, վճարման կարգը և չափը սահմանում է Հայաստանի Հանրապետության կառավարությունը:

2. Անձինք, որոնց հիվանդությունները պայմանավորված են նրանց ծնողների ճառագայթահարված լինելով, նույնպես օգտվում են սույն հոդվածի 1-ին մասով նախատեսված արտոնություններից:

### **Հոդված 6. ՉԱԷԿ-ի վթարի, ինչպես նաև ՉԱԷԿ-ի և այլ միջուկային աղետների հետևանքների վերացման աշխատանքներին մասնակցելու արդյունքում տուժած քաղաքացիների կարգավիճակը հավաստող**

## **վկայականը**

ՉԱԷԿ-ի վթարից, ինչպես նաև ՉԱԷԿ-ի և այլ միջուկային աղետների հետևանքների վերացման աշխատանքներին մասնակցելու արդյունքում տուժած քաղաքացիների կարգավիճակը հավաստող վկայականները տրամադրում է ՀՀ աշխատանքի և սոցիալական հարցերի նախարարությունը՝ Հայաստանի Հանրապետության կառավարության սահմանած կարգով:

### **ԳԼՈՒԽ 3**

#### **ԱՆՑՈՒՄԱՅԻՆ ԵՎ ԵԶՐԱՓՈՎԿԻՉ ԴՐՈՒՅԹՆԵՐ**

##### **Հոդված 7. Անցումային դրույթ**

Սույն օրենքի ուժի մեջ մտնելուց հետո եռամսյա ժամկետում Հայաստանի Հանրապետության կառավարությունը հաստատում է սույն օրենքի 4-րդ հոդվածի 1-ին մասով և 5-րդ հոդվածի 1-ին մասի 6-րդ կետով նախատեսված կարգերը:

##### **Հոդված 8. Օրենքի ուժի մեջ մտնելը**

Սույն օրենքն ուժի մեջ է մտնում 2020 թվականի հունվարի 1-ին: